

Gojri News Bulletin

01 January 2025

1700 Hrs

ايونئنگ گو جری نیوز بلیٹن مور 01 جنوری 2025

یوہ آکا شوانی جموں ہے محمد مبارک ماہر تے
عبدالرحمان شاہین تیں خبر سُنو۔ پہلاں خاص خاص خبر۔

Headlines

*1- وزارت دفاع نے جنگی تیاریاں تے تکنیکی ترقی
نانہ بدھان با رے سال 2025 نانہ اصلاحات غو سال
قرار دتو ہے۔

*2- قومی تحقیقاتی ایجنسی این آئی اے نے سال 2024
مانہ 100 فیصد سزا دین غی شرح حاصل کی تے جموں
کشمیر مانہ دہشت گردی تے ہتھیاراں غی ضبطی ور
چھاپہ کا روئی کیں۔

*3- اندرونی معاملن غا وزیر امت شاہ جموں کشمیر
تے لداخ ور لکھی کتاب غو پہلک دہلی مانہ اجراء کریں
گا۔

*4- لوکان نے نواں سال 2025 غو استقبال بڑا جوش
تے شان و شوکت نال کیو ہے۔

*5- تے سال 2025 غے پہلے تہاڑے جموں نانہ
کہنی دُھند نے اپنی چپیٹ مانہ لے لیو ہے محکمہ

موسمیات نے آن آلا تہاڑاں مانہہ جموں مانہہ ہلکی تیں
درمیانہ درجہ غی بارش غے نال نال موسم آبر آلود رہن
غی پیشنگوئی کی ہے۔

خبراں غی تفصیل نال پہلاں عبد الرحمان شاہین۔

Defence Ministry

وزارتِ دفاع غی طرفوں نواں سال 2025 نانہہ تبدیلی
اور انقلاب غو سال قرار دتو ہے۔ جس مقصد مسلح فوجی
دستاں نانہہ جدید طرزِ سنگ لیس کرنو ہے۔ نواں سال غا
موقع ور وزیر دفاع راجناتھ سنگھ نے وزارتِ دفاع غا
تمام سیکریٹریاں سنگ اک اہم میٹنگ غی صدارت غے
دوران کئی ضروری سکیمان، پروجیکٹاں تے تبدیلیاں
غی پیش رفت غو جائزو لیو ہے۔ اس موقعہ ور انہاں نے
کہیو جے اصلاحات مضبوط دفاع ور مرکز ہیں، تے ان
غو مقصد دفاعی صنعت نانہہ تقویت دینو، ڈھانچہ نانہہ
بہتر کرنو، خریداری نانہہ بدھانو تے ابھرتی ٹیکنالوجی
جس طرح کی مصنوعی ذہانت یعنی اے آئی ڈرونز تے
سائبر جنگی صلاحیتاں نانہہ مربوط کرنو ہے، اس
طرح اس قدم غو نشانو مسلح فوجی دستاں نانہہ
ٹیکنالوجی جدیدیت سنگ کثیر رُخی مربوط اپریشناں غے
قابل بنانو ہے۔

NIA JK 2024

قومی تحقیقاتی ایجنسی این آئی اے نے سال 2024 مانہ 100 فیصد سزا سنان با رے شرح حاصل کی ہے۔ جس نے 25 مقدمات مانہ 68 ملزمان نانہ سزا سنائی۔ اس کامیابی نانہ حکام نے مکمل تحقیقات تے بہترین قانون حکمت عملیاں سنگ جوڑیو ہے۔ اک سوشل میڈیا پوسٹ مانہ قومی تحقیقاتی ایجنسی نے دسیو ہے جے جموں کشمیر مانہ دہشت گردی غا سلسلہ مانہ 7 مقدمات سمیت این آئی اے غے ذریعے درج 80 مقدمات مانہ جرائم غا کلیدی زُمران مانہ 210 ملزمان نانہ گرفتار کیو گیو ہے۔ ایجنسی غی طرفوں سانجی کی گئی اک اہم گل جموں خطہ مانہ اسلحہ تے گولی با رود غی ضبطی تھی، جس مانہ پابند کی گئی حذب المجاہدین دہشت گرد تنظیم غا زمینی سطح غا کارکن غا طور ور کم کرن آلا کار ڈرائیور تیں ہتھ گولہ، پستول، گولی تے پستول غا سائنسر شامل تھا۔ اس تیں علا وہ ایجنسی نے جموں مانہ اپنی صلاحیت نانہ مضبوط بنان اور خطہ مانہ دہشت گردی با رے بڑا جرمان سنگ نمڑن خاطر اک خصوصی این آئی اے عدالت غا قیام با رے وی گل کی۔ یاہ کامیابی دہشت گردی نانہ ختم کرن اور پورا مُلک مانہ قومی سلامتی نانہ بدھان ور این آئی اے غی لگاتار توجو غی نشاندہی کرے۔

JKL Book Release HM

وزير داخله امت داخله هو ر پهلڪ نوى دىلى مانہ جموں
كشمير تے لداخ بارے كتاب ”جموں كشمير اينڈ لداخ تهرو
دا ايجيز“ كتابى اجراء بارے اہم تقريب غى صدارت
كريں گا۔ ياه كتاب نيشنل بڪ ٹراسٹ انڈيا تے بهارتيه تا
ريخى تحقيق بارے كونسل غى سانجى كو ششان غو
نتيجو ہے۔ مذكو ره كتاب جموں كشمير تے لداخ غى
بهرپو ر متنوع تا ريخ غو ڈونگو خاكو پيش كرے۔ ہندى
تے انگرىزى زبانان مانہ لكهى گئى ياه كتاب تمام خطاں
غى ثقافتى، تا ريخى تے سيا سى اہميت نانہ اُجاگر
كرے۔ واضع ره جے مركزى وزير تعليم دهرميندر
وى اس موقعه ور مہمان خصوصى غا طور ور شركت
كريں گا۔

JK Legislative Assembly

جموں كشمير قانون ساز اسمبلى غا سپيكر عبدالرحيم
راتهر نے نواں منتخب ہوا ممبران قانون ساز اسمبلى
واسطے 3 روزہ تربيتى پروگرام بارے انتظامات غو
جائزو ليو ہے۔ ياه ٹريننگ اسمبلى غا سينٹرل ہال جموں
مانہ 9 جنورى تیں 11 جنورى 2025 نانہ منعقد وے
گى۔ اس تربيتى پروگرام غو احتمال لوڪ سبها سيكريٹريٹ
نوى دہلى غا جمہوريتاں بارے پارلیمانى تحقيق و تربيتى
اداره (پى آر آى ڈى اى) غا اشتراك سنگ كيو جارہيو
ہے۔ جس غو مقصد عوامى معاملات غا نميڑہ بارے
قانون سازاں غى صلاحيت نانہ بدھانو ہے۔ سپيكر

موصوف نے متعلقہ عہدیداراں نانہہ ہدایت دتیں جے وے اس خاطر حفاظتی بندو بست، ٹرانسپو رٹیشن تے حال غی سجاوٹ وغیرہ جیسا انتظامات نانہہ ویلے سر یقینی بناویں۔ اس موقعہ ور سینئر افسراں نے یقین دوايو جے وے اس تقریب با رے پوری طرح تیار ہیں تے انہاں نے اس گل نانہہ اُجاگر کیو جے ممبران قانون ساز اسمبلی نانہہ اہم قانون سازیہ ہنر دستیاب کروان با رے اس پروگرام غی بڑی اہمیت ہے۔

DLSA Poonch

ضلع قانونی خدمات اتھارٹی پونچھ نے بچاں واسطے قانونی خدمات غی اکائی (ایل ایس یو سی) دفاعی بیماری تے ذہنی معزوری آلا افراد با رے قانونی خدمات غی اکائی (ایل ایس یو ایم) کاٹر اک 2 روزہ بیداری پروگرام غو اہتمام کیو۔ یوہ پروگرام ضلع قانونی خدمات انتظامیہ غا سیکریٹری رفاقت حسین غی رہنمائی مانہہ منعقد کیو گیو۔ جس غو مقصد بکھ بکھ زُمران مانہہ شرکاء نانہہ قانونی ضابطاں تیں واقف کرانو تھو۔ یوہ قدم لسا طبقہ واسطے قانونی امداد نانہہ بہتر بنان تے ویلے سر انصاف نانہہ یقینی بنان با رے ڈی ایل ایس اے پونچھ غا عزم غی نشاندہی کرے۔ مہارا ضلع نامہ نگار سنگ گل کرتاں واں ڈی ایل ایس اے غا سیکریٹری رفاقت حسین نے اس طرح کہیو۔ بائٹ۔

LG Meet Delegation

لیفٹننٹ گورنر منوج سنہا سنگ نو شہرہ تیں بھارتیہ جنتا پارٹی غا اک وفد نے ضلع ترقیات کونسلر محترمہ سنگیتا شرما غی قیادت مانہ ملاقات کی۔ اس ملاقات مانہ خطہ مانہ کلیدی انتظامی تے ترقیاتی مسئلاں ور تبادلہ خیال کیو گیو۔ مذکورہ وفد نے آبپاشی غی تکمیل بارے تحفظات غو اظہار کیو تے نال ہی بنیادی ڈھانچہ نانہ بدھان بارے درخواست کی جس مانہ سڑک، اسکول تے دوجا ترقیاتی مسئلہ شامل تھا۔ ایل جی موصوف نے وفد نانہ ضروری اقدامات کرن بارے یقین دوايو تے تاواں ہی نوشہرہ سرحدی علاقہ غو دورو کرن غو وعدو کیو۔

New Year Welcome

پورا بھارت غا لوکاں نے تے فرپوری عالمی دنیا نے نواں سال 2025 غو بڑی خوشی تے جوش و جذبہ سنگ خیرمقدم کیو ہے۔ تمام شہراں تے قصبان مانہ تقریبات منعقد کر غے گنہ، دوست تے برادریں اکھٹی ہو غے پارٹیں کر رہی ہیں، تے اس موقعہ ور پٹاخہ چلا غے اور ثقافتی پروگرام منعقد کر غے نواں سال غی خوشیاں نانہ منا رہیا ہیں۔ بھارت مانہ متحرک تہواراں تے روایتاں نے اس موقع نانہ ہو رپڑ رونق بنایو ہے تے فرپوری دنیا مانہ لوک امن تے خوشحالی غی کامنا سنگ پڑ امید طور نواں سال نانہ منا رہیا ہیں۔ اس طرح

اک تقویٰ جذبہ تے جوش آلی فضا مانہ ساراں واسطے نووں سال شروع ہوؤ ہے۔ اسے دوران صدر جمہوریہ درویدی مرمو، نائب صدر جمہوریہ جگدیپ دھنکڑ، وزیر اعظم نریندر مو دی، لیفٹنٹ گورنر منوج سنہا تے وزیر اعلیٰ عمر عبداللہ نے لوکاں نانہ نواں سال غی مبارکباد دیتاں واں کہیو ہے جے وے ترقی اور ترقی یافتہ بھارت بارے یکجہتی غو مظاہرہ کریں۔

Katra Pilgrimage Rush

نواں سال 2025 غا لگن ور ماتا ویشنو دیوی شرائین ور زائرین غی تعداد مانہ کافی رش دیکھیو جا رہیو ہے، تے جموں کشمیر مانہ ترکوٹہ غی ان پو تر پہاڑیاں ور ہزاراں لوک اکھٹا ہو غے ماتا غو آشیرواد حاصل کر رہیا ہیں۔ اس موقعہ ور شری ماتا ویشنو دیوی شرائین بورڈ غی طرفوں اس بھیڑ غا تناظر مانہ احسن درشناں با رے بہتر اقدامات کیا گیا واہ ہیں، تے ات اضافی حفاظت غے نال نال طبی عملو وی تعینات کیو گیو وہ ہے۔ اور سی سی ٹی وی تے ڈرونز غے ذریعے چُست نگرانی نظام قائم کیو گیو وہ ہے۔ انتظار کیا جان غے باوجود ات عقیدت مند انتظامات با رے تسلی ظاہر کر رہیا ہیں۔ اور شری ماتا ویشنو دیوی شرائین بورڈ غا سی ای او انشل گرگ نے زائرین غو شکریو ادا کرتاں واں کہیو جے حفاظتی ہدایات ور عمل غی حوصلہ افزائی کی جا ئے تے انہاں نے مستقبل مانہ ات آن آلا زائرین نانہ

مشورو دتوجے وے محفوظ تے احسن یا ترہ با رے ات
آن تیں پہلاں آن لائین اندراج کراویں۔ اس یا ترہ اور اس
خاطر انتظامات با رے گجھ اک زائرین نے اپنا تا ثرات
اس طرح دتا۔۔۔ با ٹ۔۔

DC Kishtwar Road Safety

ٹریفک غی بھیڑ نانہ دور کرن تے سڑک غی حفاظت
نانہ بہتر بنان غا سلسلہ مانہ ڈپٹی کمشنر کشتواڑ راجیش
کمار شون نے اک میٹنگ غی صدارت کی۔ جس مانہ
سڑک غے کنڈے تجاوزات، غیر منظم طریقہ نال گلیاں
مانہ فروخت، غیر قانونی پا رکینگ تے اکثر حادثاں
جیسا اہم مسئلاں ور تبادلہ خیال کیو۔ ڈی سی نے حکام
نانہ مجموعی چالان بدھان با رے ہدایت کرتاں واں
تجاوزات مخالف مہم شروع کی۔ جس مانہ اسسٹنٹ
کمشنر محکمہ مال کشتواڑ وی اُن غے نال تھا۔ اس تیں
علا وہ رات 10 بجے تیں لے غے سویرے 5 بجے
تک ٹریفک پا بندیاں لائی گئی ہیں۔ یہ پا بندی موسم غی
خرابی غی وجہ تیں ٹھاٹھری نال تیں کشتواڑ تک رات
بساں غی رات غی نقل و حرکت ور لائی گئی ہیں۔ ٹریفک
غا بہتر انتظام تے حفاظت واسطے سڑک بندن غی
تنصیب تے سفید لائین غا نشاناں ور زور دتو گیو ہے۔

Weather

سال 2025 غے پہلے تہاڑے ہی کہنی دھند تے سخت ٹھنڈا موسم نے جموں نانہہ اپنی چپیٹ مانہہ لے لیو ہے۔ جس سنگ خطہ مانہہ ٹھنڈ غی لہر مانہہ تیزی آئی ہے۔ خطہ غا بسنیکاں نے موسم نانہہ غیر معمولی طور ور سرد اور مشکل قرار دتو۔ جس مانہہ مرئیت نمایاں طور ور ٹہہ گئی اور روز مرہ زندگی مانہہ خلل پیو ہے۔ اس سلسلہ مانہہ بولتاں واں شہریاں نے اس طرح کہیو۔۔ بائٹ۔۔ محکمہ موسمیات نے پیشنگوئی کی ہے جے 3 تیں 6 جنوری تک جموں غا میدانی علاقاں مانہہ موسم آبر آلود رہن غے نال نال ہلکی تیں درمیانی بارش اور جموں کشمیر غا اکثر مقامات ور 4 تے 5 جنوری نانہہ برفباری ہون غو امکان ہے، محکمہ موسمیات نے مزید کہیو ہے کہ 4 تے 5 جنوری غے دوران گجھ اک اوجھا مقامات ور پہاری برفباری غو امکان ہے۔ استیں علا وہ جموں سرینگر قومی شاہراہ ور دوہاں پاساں تیں گڈیاں لاریاں غی آمدورفت جاری ہے۔

خاص خاص خبر اک وری پھر سن لیو۔

*1۔ وزارت دفاع نے جنگی تیاریاں تے تکنیکی ترقی نانہہ بدھان با رے سال 2025 نانہہ اصلاحات غو سال قرار دتو ہے۔

*2۔ قومی تحقیقاتی ایجنسی این آئی اے نے سال 2024 مانہہ 100 فیصد سزا دین غی شرح حاصل کی تے جموں

كشمير مانہ دہشت گردی تے ہتھیاراں غی ضبطی ور
چھاپہ كا روائی كین۔

*3۔ اندرونی معاملات غا وزیر امت شاہ جموں كشمیر
تے لداخ ور لكھی كتاب غو پہلك دہلی مانہ اجراء كریں
گا۔

*4۔ لوكان نے نواں سال 2025 غو استقبال بڑا جوش
تے شان و شوكت نال كیو ہے۔

*5۔ تے سال 2025 غے پہلے تہاڑے جموں نانہ
كہنی دُھند نے اپنی چپیٹ مانہ لے لیو ہے۔ محكمہ
موسمیات نے آن آلا تہاڑاں مانہ جموں مانہ ہلكی تیں
درمیانہ درجہ غی بارش غے نال نال موسم آبر آلود رہن
غی پیشنگوئی كی ہے۔

اس غے نال ہی خبراں غو یوہ بلیٹن ختم ہوؤ۔